

# CYNGOR SIR CEREDIGION

## GWASANAETH YSGOLION

### CORFF LLYWODRAETHOL YSGOL GYNRADD GYMUNEDOL TALYBONT

4.00 – 5.40 PM, 22 MAWRTH 2023

<b>Yn bresennol (Hybrid):</b>	Bethan Davies (Cadeirydd), Llio Rhys, Y Cyngorydd Catrin M S Davies, Rhian Nelmes, Trish Huws, Helen Ovens, Siwan Evans, Cathryn Lloyd-Williams, Hefin Jones (Pennaeth).
	Pauline Lucas (Swyddog Cefnogi Llywodraethwyr)

Cofnod o Drafodaeth y Corff Llywodraethol:		I'w weithredu gan *:
<b>1</b>	<b>WELCOME:</b>	
	<p>Y Cadeirydd:</p> <p>Croesawyd pawb i'r cyfarfod. Croesawyd Sioned Morris nôl i'r Ysgol a bu i staff ddiolch iddi am yr holl waith a wnaed yn ystod ei habsenoldeb.</p> <p>Llongyfarchwyd y disgyblion ar eu llwyddiant yn Eisteddfod Ardal yr Urdd.</p> <p>Diolchwyd i staff ac aelodau'r gymuned am gynorthwyo disgyblion.</p>	
<b>2</b>	<b>DATGELU BUDDIANT PERSONOL / CYFRINACHEDD:</b>	
	Atgoffodd y Cadeirydd yr Aelodau o'r pwyntiau canlynol:	
a)	yr angen i ddatgan buddiant dan bob eitem ar yr agenda, neu ymhob trafodaeth yng nghyfarfod y Corff Llywodraethol, lle byddai gofyn iddynt adael y cyfarfod.	
b)	Caiff unrhyw fuddiant a ddatgelwyd ei gofnodi;	
c)	bod y materion a drafodir yn y cyfarfodydd yn gyfrinachol hyd nes caiff cofnodion eu cymeradwyo ac na ddylid eu trafod yn gyhoeddus.	
	<b>PENDERFYNWYD</b> nodi'r uchod	
<b>3i</b>	<b>COFNODION:</b>	
	Cadarnhawyd cofnodion y cyfarfod a gynhaliwyd 10.11.2022 a'u llofnodi gan y Cadeirydd ac anfonwyd copi at Adran y Llywodraethwyr.	
<b>3ii</b>	<b>AELODAETH O'R CORFF LLYWODRAETHOL:</b>	

Cofnod o Drafodaeth y Corff Llywodraethol:	l'w weithredu gan *:	
	Nodwyd bod lle gwag ar gyfer Llywodraethwr staff yn parhau.	
4	<b>COFNODION Y PWYLLGOR:</b>	
	Nodwyd mad oedd unrhyw bwyllgorau wedi cyfarfod ers y cyfarfod diwethaf.	
5	<p><b>CYTUNDEB LEFEL GWASANAETH AR GYFER CEFNOGAETH I LYWODRAETHWYR:</b></p> <p>Dosbarthwyd copïau eisoes o'r Cytundeb Lefel Gwasanaeth ar gyfer Cyrff Llywodraethol i'r Aelodau. Yn dilyn trafodaeth <b>PENDERFYNWYD:</b></p> <p>Prynu'r Cytundeb Lefel Gwasanaeth o ran Clerc i'r Corff Llywodraethol ar gyfer blwyddyn ariannol 2023/2024 am gost o £1,109.66</p> <p>Nodwyd y dyddiadau canlynol ar gyfer cyfarfodydd y Corff Llywodraethol yn 2023/2024:</p> <p>Tymor yr Haf (Hybrid): 25/05/2023</p> <p>Tymor yr Hydref (Hybrid): 09/11/2023</p> <p>Tymor y Gwanwyn (Hybrid): 20/03/2024</p>	
6	<b>ADRODDIAD Y PENNAETH:</b>	
	Roedd copi o adroddiad y Pennaeth eisoes wedi ei ddarparu i Aelodau. Cafwyd trafodaeth ar y canlynol:	
	<p><b>Cynllun Datblygu Ysgol:</b> Roedd yr Aelodau eisoes wedi derbyn copi o'r cynllun. Nodwyd fod y blaenoriaethau a oedd yn parhau i dderbyn sylw yn cynnwys:</p> <p>Ailffocysu ar rolau arweinyddiaeth gan gynnwys addasu gwaith Cydlynwyr Profiad a Dysgu a swyddogaethau'r corff llywodraethol.</p> <p>Cryfhau dealltwriaeth staff o egwyddorion datblygiad ac asesu a chynllunio cyfleoedd er mwyn gweithredu hyn ar draws y bartneriaeth.</p> <p>Parhau i weithredu'r rhaglen trawsnewid Anghenion Dysgu Ychwanegol ac adeiladu ar ein darpariaeth llesiant er mwyn sicrhau dycnwch ac iechyd meddwl ac emosiynol cadarn yn ogystal â gwytnwch ymhlith disgyblion, staff ac arweinwyr ysgol.</p> <p>Cryfhau sgiliau darllen Cymraeg er mwyn dylanwadu'n bositif ar sgiliau llafar ac ysgrifenedig.</p> <p><b>Monitro:</b> Yn Parhau, Roedd Rhian Nelmes wedi ymweld â'r Ysgol i fonitro. Gwahoddwyd Aelodau i ymweld â'r Ysgol ar 20 Ebrill i fonitro Anghenion Dysgu Ychwanegol a bydd dysgu gwahaniaethol yn rhan o Ymweliad 2 a gynhaliwyd gan yr Ymgynghorydd Cefnogi Ysgolion. Bu i Swyddogion yr Awdurdod Lleol fonitro darllen grŵp a bwriedir dadansoddi'r Holiadur Llesiant.</p>	

Cofnod o Drafodaeth y Corff Llywodraethol:	I'w weithredu gan *:
<p>Llongyfarchwyd Sara Hughes ar gael ei dewis ar lefel genedlaethol i ffilmio fidio ar rifedd.</p> <p>Llongyfarchwyd Llio Rhys ar ei gwaith ar Llesiant.</p> <p>Er bod llawer o waith codwyd proffil yr Ysgol.</p> <p><b>Cyllid:</b></p> <p>Nodwyd y bu cynnydd yn y costau egni a chostau staffio ac y mae trafodaethau yn parhau gyda'r Undebau.</p> <p>Gofynnodd Aelod a fyddai'r Awdurdod Lleol yn medru cynorthwyo Ysgol gyda chost egni. Nodwyd gan yr Aelod lleol nad oedd hi'n ymwybodol o unrhyw grantiau oedd ar gael.</p> <p>Bu trafodaeth ar leihau'r dosbarthiadau i 3, ond nid oedd yr aelodau'n gefnogol o hyn oni bai nad oedd opsiynau eraill ar gael.</p> <p>Bydd angen torri oriau staff o fis Medi 2023 er mwyn gwneud arbedion.</p> <p>Gofynnodd Aelod a ellir siarad a staff i weld a hoffai rhai leihau eu horiau a'u hysbysu o'r sefyllfa. Nodwyd y bydd y Pennaeth yn trafod y mater gydag Adran Adnoddau Dynol yr Awdurdod Lleol er mwyn cael cyngor ar y mater.</p> <p><b>PENDERFYNWYD</b> y bydd y Pennaeth, Catrin M S Davies, Helen Ovens a Cathryn Lloyd Williams yn aelodau o'r Pwyllgor Staffio.</p> <p>Bydd angen torri oriau gwaith o fewn y staff ategol, a bydd hyn yn effeithio ar Lefel 1 y Cynorthwywyr Dosbarth. Caiff 18 awr eu torri'n naturiol a bydd angen torri 42 awr ychwanegol.</p> <p>Gofynnodd Aelod sut y byddai hyn yn effeithio ar ddisgyblion am y bu trafodaethau eisoes ar lwyth gwaith, cefnogaeth emosiynol ac addysgol. Nodwyd y bydd angen torri oriau a gwneud newidiadau.</p> <p><b>PENDERFYNWYD</b> y bydd y Pennaeth, Bethan Davies, a Siwan Evans yn Aelodau o'r Pwyllgor Staffio.</p> <p><b>Iechyd a Diogelwch, Adeiladau ac Eiddo:</b> <b>PENDERFYNWYD</b> nodi y cwblhawyd yr Archwiliad Iechyd a Diogelwch a'i ddychwelyd i'r Awdurdod Lleol. Gosodwyd goleuadau synhwyro symudiadau y tu allan i'r Ysgol ac roeddent yn gweithio'n dda.</p>	
<p><b>6ii</b> <b>CYFRIF ARIANNOL PREIFAT YR YSGOL:</b></p>	
<p><b>PENDERFYNWYD</b> nodi nad oedd gan yr Ysgol gyfrif o'r fath.</p>	
<p><b>6iii</b> <b>TRUST FUNDS:</b></p>	
<p><b>PENDERFYNWYD</b> caniatáu'r Pennaeth i dynnu allan £600 o Gronfa Ymddiriedolaeth WL Rees er mwyn cynorthwyo â chostau gwersi nofio yn ystod tymor y haf.</p>	
<p><b>7</b> <b>HYFFORDDIANT LLYWODRAETHWYR:</b></p>	
<p>Nodwyd fod y Cadeirydd wedi cwblhau hyfforddiant Atal ac Asbestos.</p>	

Cofnod o Draffodaeth y Corff Llywodraethol:	l'w weithredu gan *:	
	Bydd y Pennaeth yn mynd i'r hyfforddiant ar 23.03.2023.	
<b>8i</b>	<b>POLISIÄU – DOGFENNAU STATUDOL:</b>	
	<p><b>PENDERFYNWYD</b> nodi fod y dogfennau statudol canlynol ar gael yn yr Ysgol:</p> <ul style="list-style-type: none"> <li>Adroddiad Blynyddol Rhieni / Llywodraethwyr</li> <li>Cofrestr Buddiannau Busnes– RP1/2 (ffurflen ar <i>Teams</i>)</li> <li>Cynllun Datblygu Ysgol</li> <li>Llyfryn / Prosbectws yr Ysgol</li> <li>Adroddiad Hunan-Werthuso'r Ysgol</li> </ul> <p><b>Adolygu'r newidiadau:</b></p> <ul style="list-style-type: none"> <li>Cynllun Hygyrchedd (bob 3 blynedd)</li> <li>Cynllun Gweithredu yn dilyn arolygiad ysgol</li> <li>Trefniadau Asesu (statudol ar gyfer diwedd y Cyfnod Sylfaen a CA2/3)</li> <li>Cynllun Cyhoeddi Rhyddid Gwybodaeth</li> <li>Offeryn Llywodraethu</li> <li>Cofnodion a Phapurau Cyfarfodydd a Phwyllgorau'r Corff Llywodraethol</li> <li>Cofrestr Disgyblion</li> <li>Cynllun Trawsnewid.</li> </ul>	
<b>8ii</b>	<b>POLISI CYFLOG ATHRAWON:</b>	
	Roedd Aelodau eisoes wedi derbyn copi o'r polisi. <b>PENDERFYNWYD</b> mabwysiadu'r polisi.	
<b>8iii</b>	<b>CANLLAWIAU MEWN ARGYFWNG A CHYDNERTHEDD:</b>	
	<b>PENDERFYNWYD</b> nodi'r mater yma ar yr Agenda ar gyfer cyfarfod llawn nesaf y corff llywodraethol.	
<b>9</b>	<b>GOHEBIAETH / MATERION PERSONOL:</b>	
	<p>Derbyniwyd gohebiaeth oddi wrth Cylch Meithrin Talybont yn gofyn i ddefnyddio mwy o'r ardal allanol am fod pwyslais ar ddysgu y tu allan. Roeddent yn hapus i drafod rhentu'r tir.</p> <p>Yn dilyn trafodaeth <b>PENDERFYNWYD</b> eu llongyfarch ar eu llwyddiant a chytuno i'w cais gan ofyn am gyfraniad tuag at y costau egni a ddefnyddiwyd.</p> <p>Derbyniwyd e-bost oddi wrth Lee Waters AS, yn glŷn â thraffig y tu allan i'r Ysgol. Ni fu i'r asesiad ar groesffordd i gerddwyr gyflawni'r meini prawf ar gyfer croesfan.</p> <p>Gwnaed asesiad sgrinio a daethpwyd i'r casgliad fod anawsterau peirianyddol.</p>	

Cofnod o Drafodaeth y Corff Llywodraethol:		I'w weithredu gan *:
	Bydd y terfyn cyflymder ar yr A487 Talybont a Taliesin yn gostwng i 20mya pan fydd y newidiadau ar y terfynau amser yn dod i rym ar 17 Medi 2023. Yn dilyn trafodaeth <b>PENDERFYNWYD</b> ysgrifennu eto at y Llywodraeth yn gofyn iddynt eto i weithredu ar ein pryderon. Caiff gohebiaeth ei hanfon oddi wrth y Cadeirydd, Aelodau Lleol, Cylch Meithrin, Cymdeithas Rhieni Athrawon, yr Ysgol a'r Clwb ar ôl Ysgol.	
<b>10</b>	<b>UNRHYW FATER ARALL A GYFLWYNWYD YMLAEN LLAW:</b>	
	Nodwyd bod Meinir Ebbsworth yn ymddiswyddo fel Swyddog Arweiniol Corfforaethol. Bu'n gefnogol i holl Ysgolion yn ystod cyfnod anodd iawn a diolchwyd iddi am bopeth y mae wedi ei wneud.	
<b>11</b>	<b>DYDDIAD Y CYFARFOD NESAF:</b>	
	<b>PENDERFYWYD</b> nodi y cynhelir cyfarfod llawn nesaf y Corff Llywodraethol ar 25.05.2023.	

PL  
23:03:2023

Cadeirydd: ..... 25.05.2023